



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm Vlt. Quia nos.

[urn:nbn:de:hbz:466:1-62559](#)

CAPITVLVM VLT.

Quia nos.

SUMMARIUM.

1. Sine pallio & sandaliis potest Archiepiscopus celebrare.
2. In aliena diœcesi celebrans Missam vti iisdem potest, non petita licentia proprii Episcopi, iuxta probabilem sententiam; contraria tamen viget consuetudo, in Germania saltem.
3. In Missa pro defunctis Archiepiscopo pallio vti non licet, nisi in priuilegio expressum sit, usum ei concessum in tali Missa.

* **A**rchiepiscopus quidam inter alias quæstiones proposuit Honorio III. Vtrum tam in sua, quam in aliena diœcesi celebrare possit absque pallio, & sandalijs. Deinde vtrum licitum ipsi sit pro defunctis cum pallio celebrare. Ad 1. q. affirmatiuè respondet Honorius: Quia nec in sua diœcesi Archiepiscopus pallio semper vti debet, sed istantum diebus (videlicet solemnibus) qui in ecclesiæ suæ priuilegijs expressi sunt. In aliena verò diœcesi pallio vti non debet, nisi speciale priuilegium habeat: & tamen nihilominus Missam celebrare potest.

* Sed numquid in aliena diœcesi celebrans Missam, sandalijs, alijsque Pontificalibus insignibus vti potest, etiam non petita licentia proprij Episcopi? Eadémque quæstio procedit de Prælatis benedictis, vtrum Pontificalibus in aliena ecclesia vti possint absque licentia Prælati. Hanc q. tractat Gl. in Clem. Archiepiscopo, de priuilegijs, & cum Hostiensi tenet sent. affirmatiuam, contra Innocent. in hoc c. Quia insignia Pontificalia spectant quodammodo ad celebrationem Episcopi: vt sicuti Missam celebrare in aliena diœcesi Episcopo concessum est, ita etiam insignibus Episcopaliibus vti, vti docui etiam lib. I. tr. 4 c. 5. n. 5. in fine. Quia simili ratione

docent DD. apud Angel. ver. priuilegium, §. 4. quod priuilegium concessum Episcopo tempore interdicti Missam faciendi, explicatum sit, quod in Pontificalibus possit: quia hic est proprius eius sacrificandi modus. Idémque inter alios docet Augustinus Barbosa de officiis Episcopi, p. 2. allegat. 27. n. 64. addens, quod Episcopus in aliena diœcesi populo solemniter benedicere possit, etiam absque ordinarij Episcopi consensu: quia iste est actus ordinis, non iurisdictionis. Hæc sententia est probabilis. Sed aduerto in primis, contrariam vigere consuetudinem, saltem in nostra Germania; non enim solent Episcopi in diœcesi aliena, aut alij Prælati in ecclesiis sibi non subiectis sacrificare in Pontificalibus, multò minus actum Pontificalē exercere, v.g. solemnem benedictionem dare, nisi accedit consensus Episcopi ordinarij, vel alterius Prælati, sive v.g. Abbas in alieno Monasterio celebret. Et consentit huic confutidini, c. Abbates, de priuile. in 6. & cit. Clem. Archiepiscopo. Ad rationes in contrarium responderi potest: Insignia Pontificalia v.g. pedum, anulum, non significare tantum ordinem & dignitatem episcopalem: sed etiam iurisdictionem, maxime si accedit solemnitas populi benedictionis: quare hæc compertunt Episco, vel alteri Prælati non simpliciter, sed cum ordine ad ecclesiam, vel diœcesin suam. Ex quo sequitur, quod Episcopus, qui renuntiauit Episcopatu, Pontificalia exercere non possit, absque Apostolicæ Sedis licentia, arg. c. de renunt.

Alia quæstio Innoc. proposita erat, vtrum in sacrificio pro defunctis Archiepiscopum pallio vti oporteat. Responsio est negativa, nisi in priuilegio expressum sit, vt in Missa pro defunctis pallio vti liceat: aliqui solū in solemnibus diebus, quibus Archiepiscopus pro defunctis non celebrat, pallio vti debet. Hæc videtur esse mens Gl. Innoc. Abbat. & alio. sum hic.

TITV.